

Këyítfii fukanakfii Pool bín Bu-teeraa Tesaloníkda Wo'eencii lëgis Këyítfiida

Këyítfii fii fëri en fukanakfii Pool bín kerceencaa ga teeraa Tesaloníkda. Ya wo'isba ga loo kitúki'kaa ëldúna daa ka yah kimanda, kihayiskaa Kiristaanii na daa buwaa gëm gari yah kimëeñjohda.

Biyewin ga bu-teeraa wo'ee an Kiristaanii hayin kumëeñí' (2: 2); bíinoo wo'ee an iñaama laakkii duum, wayee besaa ka laakohanda deeyin. Buwaama wo'ee an besaa deeyinda sagussa kilëgëy: ba wo'ee an calooba kilëgëy. Fodaama ba tëekíni lookcaagaba ga buwaa tookin kilëgëyda (3: 6-12). Iñaama tah Pool bínndaba kiwo'ba an baa en béeb jomin ki'anañ, ya ñëmí' hafci. Ya wo''aba an saycaa ba hídoh na coonu tooh, ba abat ngëmaagaba bi yëgís ee ba dëkat rek ga kitum yijófi'.

Këyítfii fukanakfii Pool bín bu-Tesaloníkda tíidoh anee:

- 1 - Këñdoh (1: 1-2)
- 2 - Pool gërëmmba Kooh ga bu-Tesaloník (1: 3-12)
- 3 - Iñcii dëwírukan kihayiskaa Ha'mudiida (2: 1-12)
- 4 - Pool bëytoh kiyëgís ga ngëm (2: 13-17)
- 5 - Pool nakoh kikiim Kooh na kitook kilëgëy (3: 1-15)

6 - Taŋkoh (3: 16-18)

Kēñdoh

¹ Mi Pool, mi yëri bínndúu këyítfi fii, mi na Sílaas* na Tímotée. Dí bii kēñí'túu, d'ú bu-jaangii ga teerii Tesaloník ee bok ki'en wínoo ga Kooh Paamudiigaruu na ñan ga Yéesu Kiristaa, Ha'mudii. ² Kooh Paamudii na Yéesu Kiristaa, Ha'mudii barkeelattúu, ña onndúu jam.

Pool gërëmmba Kooh ga bu-Tesaloník

³ Mbokcii, dí mínan Kooh kigërëm garúu besaa en béeb, ee júwin dí tum ññaama, ndaga ngëmiigarúu wii wēñ kiyégís ee kiwaarohkii ñaa en béeb garúu laak ga mooroomciɗa kii wēñ kibaatuk garúu béebpúu. ⁴ Ee ñan, dí safarin kiwo' loorúu ga jaangucii Kooh ndaga d'ú bii guu'guuluk ee d'ú yégísín ga ngëmiigarúu, hídaa ga dii d'ú hatalu ga kipes na mesiklaatcii d'ú en na kiday tóohɗa. ⁵ Ññaama teewohin an atti'aa Kooh júwin ee wëri teewohan ñan an Nguurii Kooh tahhúu kisonɗa, joommbiirúu. ⁶ En ki'ena, júwin ga Kooh ya ík buwii sodal-lúu watíɗa coonucii ña tíkkúuda, ⁷ ee d'ú bii d'ú daycaɗa, ya onndúu ki'íkaruk, d'ú naríi. Ññaama hay kilaak bëríinaa Yéesu, Ha'mudii hotukan ga asamaan, taam na malaakacaagari bilëeki'-doolibaa, ⁸ ga ñuuy kiwii kiyëñí', ki'atti buwii ínohsoo Kooh ee sagu kitaabuk

* **1:1** 1: 1 Teekaa Sílaas ga kiLateŋ wo'si Sílwanus ee wëri erohu dii.

Hewhewii winéwí'wii wo' ga loo Yéesu, Ha'mudiigaruuda. ⁹ Buwaama, fayaagaba yah kisaŋku'ba bi taa', ba gúrohu na Ha'mudii, ba gúrohu na doolaagari onba kibok ga ndamaa ya laakda. ¹⁰ Iñaama hay kilaak ga besaama ya yah kihayisda. Bëriinaa, buwii enu buucida hayyi ki'eru ndam, ee béeb buwii gëm garida hay gari kiwaaru'. Dú ban, dú bok ga buwaama ndaga dú gëmin wo'eeniigari dí yéegalohda.

¹¹ Këri tah, dí dëk kikiimi'túu Kooh, doonaa Koohyiigaruu tummbúu buwaa bëytohiigari naba joommbiiɓa, ee ya amdohhúu ga doolaagari doonaa dú mëtí' béeb iñcii cijófi'cii dú waari kitumda na cii dú en na kitum meyoɓ ga ngëmiigarúuda.

¹² Dí bii kíim iñaama doonaa béeb buwii e' teekii Yéesu, Ha'mudiigaruu ndam, kooroh garúu, ee Kooh e'túu ndam kooroh gari. Iñaama hay kilaak ndaga Koohyiigaruu na Yéesu Kiristaa, Ha'mudii barkeelinndúu.

2

Iñcii dëwírukan kihayiskaa Ha'mudiida

¹ Mbokcii, en ga loo kihayiskaa Yéesu, Ha'mudiigaruu, na hídirukohaagaruu ga ya-haacidanaa, dí kíimmbúu iñii yii: ² luu dú kelohee ga wo'een seldíga-Kooh an besii Ha'mudii le'in, wala bo' jangattúuka, wala dú teewu këyítfaa bídu an fa meyoɓ garii, hafciigarúu hanat kigaaw kikúnuk ga iñaama wala dú yee ga kitíit. ³ Ken hanattúu kidúk ga iña min

ki'en tóoh. Ínohat an, bi besaama hayaa, kiwedi' Kooh kiyaak hay kilaak ee sépí'í'-ganofii aaw ga kisaŋku'da hay kiteewukoh paay. ⁴ Yii lebirohi ee heñohi tóoh iñcii bayohu teek Kooh ee jaamuksida, hay kika' sah bi ga kiyuŋ ga duuy Kaanfaa Kooh, ee ya teek hafci Kooh. ⁵ Wii mi en ga kaanndúuda, man mi wo'eerarúuka, dú níndísukkiine? ⁶ Ee dú ínohin iñaammbi diima deŋ, bi ya teewukohan ga wahtaa Kooh amda. ⁷ Doolii sépí'í'-ganofii daakuki henda wii lögëy haat, wayee bii ammbi, hoonohhi kiteewukohda kolukohan dii hen, doonaa ka mín kihotuk. ⁸ Fodaama sépí'í'-ganofii hay kihotuk, wayee Yéesu, Ha'mudii hayyi ki'ap na epaa meyohan kúuwcida, ya dúbí'ti na lee'laataa taaban na kihayiskaagarida. ⁹ Sépí'í'-ganofaa nak, binaa ya teewukohaa, ya hay kitaam na doolaa Seytaani, ya hay kitum kintaanaa en béeb, mandargaa en béeb na enaama cidóoyí'-waa' kiheel kidúk buwii. ¹⁰ Ya hay kitum yibóní'yaa en tóoh kidúk buwii en na kisaŋku'da. En ki'ena, ba te''ii ga keeñba kayohfii jomba kimúsalda. ¹¹ Iñaama tah Kooh tapohaba na doolaa dúkohi hen, waa gëmlukohanba saboh, ¹² doonaa béeb buwii gëmussii ga kayohfii ee yibóní' rek neblohba, ba atti'u.

Pool bëytoh kiyégís ga ngëmii

¹³ Mbokcii, dí mínan Kooh hen kigërëm garúu besaa en béeb, dú bii Ha'mudii waarinndúuda. En ki'ena, Kooh tanukinndúu ga dalaaraa, doonaa dú def kimúsalu kooroh ga

tumeenaa Helii yisela'í'yii onndúu kisela'da, na ban ga ngëmii dú laak ga kayohfiida. ¹⁴ Iñaama yëri Kooh bayohhúu, kihay gari, koorohha ga Hewhewii winéwí'wii dí yéegaleerúuda, doonaa dú bok ga ndamaa Yéesu Kiristaa, Ha'mudiigaruu. ¹⁵ Kon fodaama, mbokcii, yégísat ga ngëmiigarúu, dú am dijófi' iñcaa dí jégíreerúuda: ennda iñaa dí wo''úu, ennda iñaa dí bínndúu hen.

¹⁶ Dí bii kíim, Yéesu Kiristaa, Ha'mudiigaruu, ga kihafci, ya na Kooh, Paamudiigaruu waarinnduuda, yii kooroh ga yërmaandaagari, oninnduu iñaa dëlí' helluu bi taa' na ban yaakaa' wiyégísí'da, ¹⁷ ba dëlí' hellúu, ba yégísí'túu ga béeb iñaa dú tum na iñaa dú wo' aaw ga yijófi'.

3

Pool nakoh kikiim Kooh

¹ Kon diimada nak, mbok-kerceencii, kíimɗattíi Kooh doonaa wo'eenii Ha'mudii gaaw kisiw daa en béeb, ee wa onu cée' fodii dii dú onwa cée'da. ² Kíimɗattíi Kooh ban doonaa ya sommbíi ga buwii bisóotí' bii, bibóní' bii. Dú inohin an, enndii béeb buwii bëri gëm ga Ha'mudii. ³ Ha'mudii nak, iñaa ya wo' tooh, tummbi, ya hayyúu ki'on kiyégís ga ngëmii, ya sommbúu ga yibóní'yii. ⁴ Ya dëlírin hellíi garúu. En ki'ena, iñcii dí nakkúuda dú bii taabukca ee dú lísanca kitaabuk.

⁵ Dí bii kíim Ha'mudii, ya ní' keeñciigarúu dú mín kiwaa' Kooh, ee ya onndúu kimúuñ foda Kiristaanii.

Kitook kilëgëy

⁶ Mbok-kerceencii, dí nakkúu ga teekii Yéesu Kiristaa, Ha'mudiigaruu ki'úsaay béeb mbok-kerceen, yaa en ga kiwííliluk ya saŋ kitaabuk iñcii dí jëgítúudá. ⁷ Dú ga kihaffúu, dú ínohin daa dú koorohan bi dú tum fodii garíi. Ga wii dí en narúudá, dí moséeríi ki'en ga kiwííliluk. ⁸ Dí moséeríi ken kikíim ñamah, Wayee wekoo nohoo, dí lëgëyee hen, dí sodi, dí anagi doonaa dí sodaloo ken ga kitoputu''íi. ⁹ Dí tumkanaa, enndii an dí jomoo kilaas dímal garúu, wayee dí waaree dú malak garíi, dú tum fodaa gari. ¹⁰ En ki'ena, ga wii dí en narúudá, dí wo'eerúu iñii yii: Baa saŋ kilëgëyaa, jomoo kiñam ñan. ¹¹ Dí wo''úu iñuma ndaga dí kelohin an laakin ga duuycúu biwíílilkoh, ñaa lëgëyanndii dara enndii ki'aas ga iñaa waasba gaaga rekaa. ¹² Buwaama, dí nakinba ga teekii Yéesu Kiristaa, Ha'mudii ee dí bii daasba an ña yeewukat ña aaw kilëgëy, ña ñam iñaa ña lëgëy na yahba. ¹³ Dú nak mbokcii, kaa soofat fenoo ga kitum yijóffí'. ¹⁴ Binaa laak garúu ñaa saŋ kitaabuk iñii dí bín yii ga këyítfinaa, yéegalohatti, dú kíiduk gari doonaa ya kaci. ¹⁵ Wayee kaa abohatti ñaa sagoh narúu, namatti kiña' hen dú abohhi fodii mbok-kerceen.

Taŋkoh

¹⁶ Dí bii kíimi'túu Ha'mudii laak jamda, ya ga kihafci, ya onndúu jam besaa en béeb na ga iñaa en tooh. Ha'mudii taabat narúu béebpúu. ¹⁷ Këñdohii méeñjohda, mi Pool mi yëri bínwa

na yahhoo. Këyítfaa mi bín tóoh, mi lëehdohifa foduma. Bíncumgoo cërí cuma.

¹⁸ Mi yii kíim, Yéesu Kiristaa, Ha'mudiigaruu barkeellúu, dú béeɓpúu.

**Hewhewii winéwí'wii Kooh Kifiliimunkii
ki'askii**

**Noon: Hewhewii winéwí'wii Kooh Kifiliimunkii
ki'askii New Testament**

copyright © 2012 Wycliffe Bible Translators, Inc.

Language: (Noon)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Sep 2022 from source
files dated 2 Jun 2022

7c1cfb93-c4c9-5127-ac22-ecb23adca870